

ÅRSMELDING 2016 FRÅ ELDRERÅDET I VAKSDAL

ELDRERÅDET SINE OPPGÅVER/FØREMÅL

Eldrerådet er eit lovpålagt organ som vert valt av Kommunestyret for valperioden jamfør Lov om kommunale og fylkeskommunale eldreråd. Eldrerådet er eit rådgjevande organ for kommunen og skal behandla alle saker som gjeld levekåra for eldre. Eldrerådet kan også sjølv ta opp saker til behandling.

SAMANSETTING

Eldrerådet har i 2016 vore samansett slik:

Helge Risnes, leiar
Bjarnhild Helle, nestleiar
Agnar Sellevold
Sigmund Simmenes (politikar)
Karin Groth (politikar)

2 av medlemmene er politisk valde og 3 er valde etter framlegg frå pensjonistlaga i kommunen, i samsvar med kommunestyrevedtak i sak 0001/03.

SAKER I ELDRERÅDET

Eldrerådet har i 2016 hatt 5 møte og behandla 28 saker, m.a.: Den kulturelle spaserstokken – program og tildeling av midlar der Agnar Sellevold har fått ansvar for oppfølging frå Eldrerådet, innspel til Kulturplan, Kommunedelplan helse og omsorg – høyringsuttale, Økonomiplan og Budsjett for Vaksdal kommune, interkommunal legevakt – vertskommuneavtale med Voss, Eldredagen 2016.

Februarmøtet vart holde på Daletunet omsorgssenter. Der fekk Eldrerådet servert den middagen bebuarane fekk den dagen, og Lena Jordalen, fagleiar kjøken, orienterte om med mat og ernæring ved institusjonane. Septembermøtet var på Vaksdal sjukeheim. Eldrerådet fekk omvising på sjukeheimen, og einingsleiar Bjarte H. Aarland orienterte om sjukeheimseininga.

Elles har eldrerådet fått orientering om m.a. prosjektet «Lev Vel i Vaksdal» - organisering, delprosjekt og status/framdrift, ØH-tilbod (øyeblikkeleg hjelp) og mellombels avtale om ØH-tilbod med Voss sjukehus, kommunereforma, og rutinar og kriteriar rundt tildeling av praktisk bistand og omsorgsbustadar.

Eldrerådet sende høyringssvar vedrørande tannhelsetenesta i Hordaland. Eldrerådet er også representert ved leiar i prosjektgruppa for «Lev Vel i Vaksdal». To av medlema i Eldrerådet deltok på «Eldrerådskonferansen 2016 for kommunale eldreråd i Hordaland».



Eldrerådet var arrangør av Eldredagen 1. oktober i Turbinen på Dale. Det var som alltid god oppslutnad, og det var eit vellukka arrangement som ga overskot. Eldrerådet gjorde vedtak om å nytta inntil kr. 5000,- av overskotet til tiltak som kan gleda institusjonsbebruarane i kommunen.

Dalekvam 13.02.2017

Helge Risnes /s/

Bjarnhild Helle /s/

Agnar Sellevold /s/

Karin Groth /s/

Sigmund Simmenes /s/